

Eallinfápmo- ja tehnikkalaš lávdegoddi

Áigi	02.09.2024 dii. 12:10 - 14:55	
Báiki	Hybridačoahkkin, Teams-heivehus / váldostivrasále	
Gieđahallon áššit		
§	Bajilčála	Siidu
§ 66	Čoahkkima lágalašvuohta ja mearridanváldi	3
§ 67	Beavdegirjedárkkisteaddjiid válljen	4
§ 68	Čoahkkima bargoortnega dohkkeheapmi	5
§ 69	Ruhtadoalu ja dili birra oanehaččat	6
§ 70	Áššit diehtun	7
§ 71	Elleguolbana bálgá investerenfidnu	8
§ 72	Lotnolasuvdna	10
§ 73	Njuorggáma Hárremahčohka bálgá huksen	11
§ 74	Gielddainšenevrra virgesadjásašvuohta	13
§ 75	Giddodatdikšu oahpposoahpamušskuvlejupmi	17
§ 76	Lapland North Destination (LND) ovttasbargosoahpamuš 2024	18
§ 77	Fitnodatjoavkoprošeakta ovddidit Ohcejoga turismafitnodagaid	19

Oasseváldit

Mielde	Namma	Doaibma	Lassedieđut
	Lukkari Sammol	ságadoalli	
	Wargh Kirsi-Marja	várreságadoalli	
	Tapiola Uula	Lahttu	
	Konttinen Pirjo	Lahttu	Mielde 12:10–13:15
	Aikio Mika	Lahttu	
	Ahlakorpi Anni	Lahttu	
	Koskeniemi Mika	Várrelahttu	
Eret	Guttorm Urho		
	Manninen Terttu		
	Hekkanen Eemeli		
	Niittyvuopio-Valle Laura		
	Valle Petteri		
	Adamova Anastassia		
	Länsman Arvi		
	Halonen Markku		
	Rautajoki Mervi		
	Kinnunen Mirjami		
	Rasmussen Riikka		
	Länsman Nilla-Pekka		
Eará	Guttorm Väinö	Gielddaráđđehusa sd	
	Kordelin Marjatta	Gielddaráđđehusa	
		ovddasteaddji	
	Tanja Lepistö	Eallinfápmohoavda	
	Juhán Länsman	Beavdegirjedoalli	
	Heidi Keskitalo	Beavdegirjedoalli	
	Markku Porsanger	Vd. giddodathoavda	
	Oikarainen Tapio	Gielddainšenevra	
	Kontio Päivi	Gielddahoavda	
	Aikio Maria Sofia	Dulka	

Vuolláičállosat

	Sammol Lukkari ságadoalli	Heidi Keskitalo beavdegirjedoalli
Giedahallon áššit	66 - 77	
Beavdegirji dárkkisteapmi	Dárkkistanáigi	
	Uula Tapiola beavdegirjedárkkisteaddji	Anni Ahlakorpi beavdegirjedárkkisteaddji

Beavdegirji lea dollojuvvon albmosis

Ohcejohka 05.09.2024 09:00

Minna Lukkari
Almmuhantávvala dikšu

Čoahkkima lágalašvuohta ja mearridanváldi

ealteknlg 02.09.2024 § 66

- Mearrádusevttohus

Gávnnavuvvo, ahte čoahkkin lea lágalaččat čoahkkái bovdejuvvon ja mearridanválddálaš.
- Mearrqdus

Gávnnavuvvui, ahte čoahkkin lea lágalaččat čoahkkái bovdejuvvon ja mearridanválddálaš.

Ohcejoga gielda		Beavdegirji	6/2024	4
Eallinfápmo- ja tehnikkalaš lávdegoddi	§ 67	02.09.2024		

Beavdegirjedárkkisteaddjiid válljen

ealteknlg 02.09.2024 § 67

Mearrádusevttohus	Válljet čoahkkimii guokte beavdegirjedárkkisteaddji.
Mearrádus	Beavdegirjedárkkisteaddjin válljejuvvuiga Anni Ahlakorpi ja Uula Tapiola

Eallinfápmo- ja teknikalaš
lávdegoddi

§ 68

02.09.2024

Čoahkkima bargoortnega dohkkeheapmi

ealteknlg 02.09.2024 § 68

Mearrádusevttohus

Eallinfápmo- ja teknikalaš lávdegoddi dohkkeha čoahkkima áššiid
giedahallanortnega áššelisttu mielde.

Mearrádus

Áššelisttu paragrafanummir 74, Ohcejoga Master Plan guđđojuvvo
giedahalakeahtta ja áššelisttu lassin giedahallat lasselisttu áššiid.

Eallinfápmo- ja teknihkalaš § 69
lávdegoddi

02.09.2024

Ruhtadoalu ja dili birra oanehaččat

ealteknlg 02.09.2024 § 69

Teknikkalaš doaibmasuorggi doaibmasuorgehoavda Markku Porsanger muitala lávdegoddái teknikkalaš doaimma ruhtadili ja eará dili birra ja eallinfápmohoavda Tanja Lepistö muitala ealáhusdoaimma ruhtadili ja eará dili birra.

Mearrádusevttohus Merkejuvvojit diehtun.

Mearrádus Merkejuvvojedje diehtun.

Eallinfápmo- ja tehnikkalaš
lávdegoddi

§ 70

02.09.2024

Áššit diehtun

ealteknlg 02.09.2024 § 70

Mearrádusevttohus

Čuovvovaš áššit merkejuvvojit diehtun:

- Huksendárkkisteaddji mearrádusat

Mearrádus

Merkejuvvojedje diehtun.

Elleguolbana bálgá investerenfidnu

ealteknlg 02.09.2024 § 71
21/00.01.05/2024

Válmmaštalli

Eallinfápmohoavda Tanja Lepistö

Ohcejoga gielda lea čatnasan giellastrategiijastis ovddidit guovllu turismma. Turismma ovddideapmi lea dehálamos bargu dustet gieldda fáhkkes ráhkadusnuppástusa. Dat lea vuohki buoridit guovllu eallinfámu nappo barggu oažžuma, fidnošeari vejolašvuođaid ja ássama geasuheaddjivuoda. Bálgáid ja geinnodagaid ovddideapmi Ohcejogas lea dehálaš sihke turismma ja giliid eallinfámu ovddideami dihte. Lagasgeinnodagat doibmet sihke báikkálaš olbmuid lagaslihkan- ja virkkosmahttinbáikin ja dat maid bálvalit lassáneaddji turismma dárbbuid. Ohcejoga giliin leat viehka unnán lagasvánddardanfierpmádagat jos veardida eará turismaguovddážiidda.

Elleguolbba lea leamašan guhká guovllu ássiid dehálaš lagaslihkanangeinnodat. Dan leat geavahan maid mátkkálaččat. Eanageavaheamis leat leamašan nuppástusat, nu ahte boares bálgá ii šat sáhte geavahit. Báikkálaš ássit leat sávvan sakka ođđa bálgá huksema Elleguolbanii. Lassin Deatnogátti vuorjastan- ja dolastallanbáikái beassan gáibidivččii hengui searastallanráhpaid, go háliidit eastadit sihke eatnama guorbama ja fuolahit maid geavaheaddjiid dorvvolaš johtimis.

Elleguolbana bálggis fuomášuvvui ovddidanbáikin juo dálvvi 2022 – 2023 áigge Ohcejoga turismafitnodagaid, bálgosiid, Ohcejoga gieldda ja Meahciráđđehusa ovddasteaddjiid ng. jorba beavddi ságastallamiin. Lagasgeinnodagaid ovddideapmi vuodđuduvvá Ohcejoga turismma ovddidanprográmmii ja eanageavahanplánii (Ohcejoga gielda, 2020), Ohcejoga gieldda strategiijai, Meahciráđđehusa strategiijai, Lapland North Destinations -turismaorganisašuvvna strategiijai ja Sámeguovllu luondduriggodatplánii. Fitnu válmmaštallamis lea sihkkaraston, ahte čanusjoavkkut dohkkehit dan, dasgo oassebealit leat dahkan buot fitnu čuoáhagaid ovdii dárbbášlaš gulaskuddamiid ja meahccegeahčademiid.

Meahciráđđehusa bargu eanaeaiggádin lea dahkat turismafitnodagaide vejolašvuođaid fitnodatdoaibmami stáhta eatnamiin. Vai fidnoohcan ja fitnu ollašuhttin livčče vejolaččat, de Ohcejoga gielda ohcá Meahciráđđehusas geinnodagaide geavahanvuoigatvuoda. Geavahanvuoigatvuohtasoahpamuš lea dahkon 10 jahkái. Ráhkadusaid, mat huksejuvvojit geinnodagaide, oamasta Ohcejoga gielda.

Eallinfápmo- ja teknikalaš lávdegoddi čatnasii 27.9.2023 mearrádusain ohcat investerenfitnu ee. Elleguolbana bálgá linnjema ja geinnodaga searastallanráhpaid huksema várás. Dalle Ohcejoga gildii ii juolluduvvon ohcon ruhta.

Eallinfápmo- ja teknikalaš
lávdegoddi

§ 71

02.09.2024

Dál Maaseuturahasto-foanda juohká unna ruhtadeami bálgáid investeremii, man sáhtta ohcat Elleguolbana bálgá huksema várás. Jos ruhtadeapmi juolluduvvo, de fidnu ollašuhthtojuvvo 2025.

Fidnui ohccojuvvo ruhtadeapmi Maaseuturahasto-foanddas čavčča 2024 ruhtadanohcamis. Fitnu árvoštallon obbabušeahhta lea 100 000 euro. Gieldda máksinoassi lea eanemustá 30 000 euro. Fitnu boadusin Ohcejohkii bohtet EU davimus searastallanráhpat Elleguolbana lagasvánddardangeinnodagas. Lassin dihkádit geinnodaga álggu ođđa linnjema dihte ja ovddidit bálgá parkerenguovllu. Lagasgeinnodat bálvala sihke guovllu ássiid ja maid mátkkálaččaid.

Áššemeannudeaddji

Eallinfápmohoavda Tanja Lepistö

Mearrádusevttohus

Eallinfápmo- ja teknikalaš lávdegoddi mearrida ohcat Maaseuturahasto-foanddas ruhtadeami Elleguolbana bálgá investerema várás. Dainna dat ovddidivččii Ohcejoga gili asttuáigge- ja lihkananbáikkiid guovllu eallinfámu ovddideami oassin. Fidnu gáibida iežasruhtadeami, mii váldojuvvo vuhtii jagi 2025 bušeahhtaárvalusa válmmaštallamis.

Mearrádus

Lávdegoddi mearridii ovttamielalaččat guođđit ášši beavddi ala.

Pirjo Konttinen guđii čoahkkima dán paragrafa mearrideami maŋŋá dii. 13:15.

Eallinfápmo- ja teknikalaš
lávdegoddi

§ 72

02.09.2024

Lotnolasuvdna

ealteknlg 02.09.2024 § 72
25/02.08.00/2024

Ohcejoga gieldda guovddášgievkkana biebmoráhkadanrusttegiid skáhppo ja fuolaha Ohcejoga gieldda teknikalaš doaibma. Dálá guovddášgievkkana uvnnat mannet jámma eahpeortnegii ja daid galgá divvut. Danin daid geavahanáigi lea nohkan. Teknikkalaš doaimma investerenprográmmii lea várrejuvvon dán jahkái guovddášgievkkana lotnolasuvnna skáhppoma várás 18 000 euro. Guovddášgievkkana vástideaddji olmmoš lea jearran fálaldaga sturrodagas ja doaimmaidis dáfus heivvolaš lotnolasuvnnas. Metos iCombi Pro 10-1/18 -málle lea heivvolaš ja dán ala heive Njuorggáma mánggadoaimmadálu geavakeahtes nubbi uvdna. Njuorggámis leat guokte uvnna, main nuppi sáhtta sirdit guovddášgievkkanii.

Áššemeannudeaddji

Giddodathoavda Markku Porsanger

Mearrádusevttohus

Lávdegoddi dohkkeha Metos Oy Ab fálaldaga, haddi 12 743,26 euro (álv 0%).

Mearrádus

Dán paragrafa giedahallama áigge čoahkkimis dollojuvvui boddu dii. 13:30 - 13:40.

Evttohus dohkkehuvvui.

Ohcejoga gielda		Beavdegirji	6/2024	11
Eallinfápmo- ja teknikalaš lávdegoddi	§ 62	06.08.2024		
Eallinfápmo- ja teknikalaš lávdegoddi	§ 73	02.09.2024		

Njuorggáma Hárremahčohka bálgá huksen

ealteknlg 06.08.2024 § 62

Váldostivra lea juolludan 10.6.2024 lassemearreruđa jahkái 2024 teknikalaš doaimma investerenprográmmii 15 000 € Hárremahčohka ja Ohcejoga Áilegasa bálgáid huksema várás.

Eallinfápmo- ja teknikalaš lávdegoddi evttohusa mielde Hárremahčohka bálgá huksen gilvalhttojuvvui ja gilvalhttin lei rabas Cloudias 5.7.-2.8.2024.

Fálaldatáššegirjiit rahppojuvvojedje 5.8 dii. 12.30. Fálaldatbivdagii guđđojuvvojedje mearreáiggi siste guokte fálaldaga. Fálaldaga guđiiga Nuorgamin lomakeskus ja Kivityö T. Kinnunen Ky.

Fálaldatbivdagis máinnašuvvui, ahte jos gielda bivdá, de fálaldatbivdaga guođđi galgá jođánamos lági mielde doaimmahit dokumeanttaid das, mo dat ollašuhtá geatnegasvuodaid dingojeadjivástulága mielde (Gávperegisttarválddus, ealáhatdáhkádušdieđut, čielggadus bargodearvasvuodafuolahusa ordnemis, duodaštus máksojuvvon vearuin, heivehuvvon bargoeaktosoahpamuš dahje guovddáš bargoeavttut). Gielda bivddii dáid áššegirjiid fitnodagain, mat ledje guođđán fálaldaga ja bivddii daid doaimmahit áššegirjiid mañimustá ga 7.8.2024 dii. 15.00.

Fálaldatbivdagis máinnašuvvon čuoggáid addima mielde Kivityö T. Kinnunen Ky fidnii 2,1 čuoggá ja Nuorgamin lomakeskus fidnii 0,8 čuoggá.

Váldostivra lea 10.6.2024 čoahkkimis miedihan mearreruđa 15 000 e Hárremahčohka ja Áilegasa bálgáid huksema várás. Dát sisttisoallá maid bálgáid oahpistangalbbaid skáhppoma. Guđđojuvvon fálaldat manná badjel dasa várrejuvvon mearreruđa.

Áššemeannudeaddji	Eallinfápmohoavda Tanja Lepistö
Mearrádusevttohus	Njuorggáma Hárremahčohka bálgá huksema ollašuhttin válljejuvvo Kivityö T. Kinnunen Ky. Fitnodat lea juo doaimmahan dokumeanttaid dingojeadjivástulága mielde. Fálaldaga sturrodat lea 15 544 e. Eallinfápmo- ja teknikalaš lávdegoddi ohcá dievasmahtti lassemearreruđa gielddaráđdehusas ja ain váldostivrras 5000 e, vai guktot bálgát gárvvistuvvojit.
Mearrádus	Eallinfápmohoavdda evttohus dohkkehuvvui.

ealteknlg 02.09.2024 § 73
16/00.01.05/2024

Ohcejoga gielda		Beavdegirji	6/2024	12
Eallinfápmo- ja teknikkalaš lávdegoddi	§ 62	06.08.2024		
Eallinfápmo- ja teknikkalaš lávdegoddi	§ 73	02.09.2024		

Válmmaštalli	Eallinfápmohoavda Tanja Lepistö			
	Njuorggáma Hárremahčohka bálgá agoartabargi válljen giedahallui ealtekn-lávdegottis 6.8.2024. Fálaldatgilvvu vuoitán Kivityö T. Kinnunen Ky lea 12.8.2024 čálalaččat almmuhan geassádit agoartabarggus. Nuppi fálaldaga guođđis Nuorgamin lomakeskuis lea ain gearggusvuohta ja hállu ollašuhttit agoartabarggu. Nuorgamin lomakeskus lea doaimmahan gáibiduvvon dokumeanttaid dingojeaddivástulága mielde das, mo dat deavdá geatnegasvuođaid. Huksenbargguid áigeplána rievdaduvvo álgoálgosaš plánas dainna láhkai, ahte geinnodaga merken meahccái dahkko čakčamánu 2024. Losit rovvemuorramateriálat fievrriduvvojit meahccái dálvvi áigge, vai luondu vaháguhttojuvvo nu uhcán go vejolaš. Rovvemuorat huksejuvvojit giđa ja geasi 2025 áigge dainna láhkai, ahte huksenbarggut leat gárvásat manjimustá suoidnemánu 2025 loahpas. Fitnu geavatraš ollašuhttin gáibida, ahte gielda oastá Meahciráđđehusas eana-, guovlo- ja bálgáid huksenáššedovdamuša geinnodagaid meahccelinnjema ja -merkema várás. Dasgo ollašuhttin juhkkjuvvo jagiide 2024 ja 2025, de ráhkkanit boahte jagi bušeahttaárvalusas bálgá huksemii boahte jagi bargguid olis.			
Áššemeannudeaddji	Eallinfápmohoavda Tanja Lepistö			
Mearrádusevttohus	Válljet Hárremahčohka bálggesagoartta ollašuhttin Nuorgamin lomakeskus. Eallinfápmo- ja teknikkalaš lávdegoddi fápmuda eallinfápmohoavdda dahkat agoartabarggu ollašuhttiin soahpamuša, mii čuovvu guđđojuvvon fálaldaga. Fitnu dán jagi golut gokčojuvvojit juolluduvvon mearreruđain ja boahte jagi goluide ráhkkanit jagi 2025 bušeahttaárvalusas.			
Mearrádus	Mearrádusevttohus dohkkehuvvui.			

Eallinfápmo- ja teknikalaš lávdegoddi	§ 63	06.08.2024
Eallinfápmo- ja teknikalaš lávdegoddi	§ 74	02.09.2024

Gielddainšenevra virgesadjásašvuohta

ealteknlg 06.08.2024 § 63

Ealteklg § 4

Lávdegoddái lea boahtán vuigengáibádus dan dahkan mearrádussii 7.12.2023 §106.

Ságadoalli evttohus:

Lávdegoddi gávnna, ahte vuigengáibádussii leat ákkat čuoggá 1 dáfus ja gomiha iešvuigemiin iežas mearrádusa 7.12.2023 §106, dasgo mearrádussii ii lean čállojuvvon doarvái vuđolaš ánsoveardádallan iige mearrádus lean doarvái bures ákkastallon. Virgáiválljejuvvon olbmo välljenmearrádus ii lean doarvái bures ákkastallon.

Lassin lávdegoddi geatnegahtá vd. teknikalaš doaimma hoavdda válmmaštallat ášši hálldahusnjuolggadusa § 41 mielde čuovvovaš lávdegotti čoahkkimii.

Mearrádus:

Dán paragrafa giedahallama áigge čoahkkimis dollojuvvui boddu dii. 14:20-14:30.

Ságadoalli evttohus dohkkehuvvui.

Ealteklg § 25

Hálldahusnjuolggadusas 41 §: Jos virgái dahje virgegaskavuhtii (mii lea leamašan ohcanláhka) välljejuvvon olmmoš cealká iežas eret ovdal, go virgedoaimmahus álgá, iige várresadjái leat välljejuvvon giige, de dalle virgehálldašeaddji **sáhtá** välljet daid virggi dahje virgegaskavuoda ohcciid joavkkus, geat almmuhit, ahte sin ohcamuš lea ain fámus.

Teknikalaš doaimma hoavdda evttohus:

Lávdegoddi gávnna, ahte gielddas lea jođus teknikalaš doaimma bargguid organiseren, man várás lea nammaduvvon bargojoavku (23.2.2024, 13§). Lávdegoddi mearrida, ahte dán muttus gielddainšenevrra mearreáigásaš virgesadjásašvuohta ii devdojuvvo.

Mearrádus:

Mika Aikio evttohui, ahte ášši válmmaštallo ođđasit hálldahusnjuolggadusa 41 § mielde. Pirjo Konttinen, Kirsi-Marja Wargh ja Anni Ahlakorpi guottihedje Mika Aikio evttohusa.

Eallinfápmo- ja teknikalaš lávdegoddi	§ 63	06.08.2024
Eallinfápmo- ja teknikalaš lávdegoddi	§ 74	02.09.2024

Mika Koskenniemi ja Urho Guttorm guottiheigga áššemeannudeaddji evttohusa.

Dasgo čoahkkimis lei dahkkon áššemeannudeaddji evttohusas spiehkaseaddji evttohus, čađahuvvui jienastus, mas JUO áššemeannudeaddji evttohus ja II Mika Aikio guottihuvvon evttohus

Jienasteamis addojedje II-jienat 5 st (Kirsi-Marja Wargh, Pirjo Konttinen, Eemeli Hekkanen, Mika Aikio, Anni Ahlakorpi) ja JUO-jienat 3 st (Sammol Lukkari, Urho Guttorm, Mika Koskenniemi)

Mearrádussan šattai Mika Aikio evttohus ja ášši válmmaštallo ođđasis čuovvovaš lávdegotti čoahkkimii.

Ealtekig § 51

Teknikalaš doaimma bargguid leat dál ordnemin, go dálá vd. teknikalaš doaimma hoavdda/ huksendárkkisteaddji bargogaskavuohta nohká ealáhahkii sirdašuvvama geažil.

Teknikalaš doaibmasuorgi dárbbáša huksensuorggi inšenevrre, gii máhttá skuvlejumi ja háhkkojuvvon ámmátdáiddu vuođul dikšut gielda giddodagaid fuolaheami ja divodemiid ja investeremiid guhkes áigemuttu plánema (pts) mielde. Lassin son galggašii dikšut huksenbearráigeahču, gilvalahttimiid ja smávva huksenplánemiid.

Evttohus:

Eallinfápmo- ja teknikalaš lávdegoddi rahpá gielddainšenevrre virgesadjásašvuođa ohcanláhka, nu ahte ohcanáigi nohká 31.7.2024. Bargoalmmuhus lea lassemateriálan.

Mearrádus:

Dán paragrafa gieđahallama áigge čoahkkima guđiiga gielddahoavda Päivi Kontio dii. 17:23 ja lávdegotti lahttu Urho Guttorm dii. 17:28.

Evttohus dohkkehuvvui.

Ealtekig § 63

Teknikalaš doaibma lea bidjan ohcanláhka gielddainšenevrre/huksendárkkisteaddji virgesadjásašvuođa áigodahkii 1.9.2024-31.7.2025, ohcanáigi lea nohkan 26.7.2024.

Mearreáiggi siste virgesadjásašvuhtii bohte 6 ohcamuša.

Áššemeannudeaddji

Mearrádusevttohus Eallinfápmo- ja teknikalaš lávdegoddi vällje gielddainšenevrre/huksendárkkisteaddji virgesadjásažžan Oikarainen

Eallinfápmo- ja teknikalaš lávdegoddi	§ 63	06.08.2024
Eallinfápmo- ja teknikalaš lávdegoddi	§ 74	02.09.2024

Tapio, geas leat ollislaš árvvoštallama vuodul buoremus vejolašvuodát dikšut virggi, go váldá vuhtii su skuvlejumi, bargohárjánumi ja persovnnalaš áiggeájiid.

Tapios lea bargohárjánupmi nu huksendoaimmahagas go bargoeatnamiinge, muhto son lea gárvvis oahppat maid ođđa áššiid bargguid dikšuma ja ámmátdáiddu ovddideami várás. Son lea doaibman ee. Anára gieldda huksenberráigeahčus dárkkistaninšenevran ja ná son dovda bures lohpeproseassaid ja huksenberráigeahču prográmmaid, mat leat geavahusas.

Mearrádus

Kirsi-Marja Wargh evttohii, ahte ášši guđđojuvvo beavddi ala. Riikka Rasmussen guottihii Kirsi-Marja evttohusa.

Dasgo čoahkkimis lei dahkkojuvvon áššemeannudeaddji evttohusas spiehkaseaddji evttohus, de čoahkkimis čađahuvvui jienasteapmi. Jienasteamis áššemeannudeaddji evttohus JUO ja Kirsi-Marja evttohus II.

Jienat addojedje oktiibuot 7, main II-jienat 2 st (Kirsi-Marja Wargh ja Riikka Rasmussen) ja JUO-jienat 5 st (Uula Tapiola, Urho Guttorm, Mika Koskeniemi, Pirjo Kontinen, Sammoli Lukkari).

Mearrádussan bođii teknikalaš doaimma hoavdda evttohus ja mearreáigásaš gielddainšenevrra/huksendárkkisteaddji virgái válljejuvvui Tapio Oikarainen.

ealteknlg 02.09.2024 § 74
17/01.01.01.00/2024

Lávdegoddái lea boahtán vuigengáibádus dan dahkan mearrádussii 6.8.2024 § 63.

Vuigengáibádusa dahkki gáibida, ahte gielddainšenevrra/huksendárkkisteaddji mearreáigásaš virggi válljen gomihuvvo, giedahallojuvvon ođđasit ja dálá mearrádusa doibmiibidjan gildojuvvon.

Ákkastallan vuigengáibádussii:

1. Vuigengáibádusa dahkki ákkastallá gáibádusaidis dainna, ahte ohcciid veardádallamis lea dáhphuvvan meannudanvuohkefeaila, go válljemis lea geavahuvvon anonyma ánsveardádallan.

Ášši válmmaštallamis lea geavahuvvon anonyma ánsveardádallan, dasgo dat lea leamašan buot ohcciid bealeheapme. Dáinna láhkai mearrideapmái ii leat váikkuhan ohcci ahki, sohka bealli dahje eará vejolaš sierraárvosaš meannudeapmi.

2. Daid ohcciid ohcamušaid, geain ii leat leamašan ohcamuša guodđináiigge 26.07.2024 dii. 16 huksensuorggi bargohárjánupmi

Eallinfápmo- ja teknikalaš lávdegoddi	§ 63	06.08.2024
Eallinfápmo- ja teknikalaš lávdegoddi	§ 74	02.09.2024

skáhppomiin ja gilvalahttimis virgealmmuhusa mielde, galgá guođđit válddekeahttá eallinfápmo- ja teknikalaš lávdegoddi giedahallamii.

Válljejuvvon olbmo ohcamuša ii ankke livčče sáhttán dáid beliid ektui guođđit giedahalakeahttá, dasgo sus lea dás hárránupmi.

3. Mearreáigásaš virgái galgá válljejuvvot olmmoš, gean huksensuorggi skuvlejupmi ja bargohárránupmi leat ollislaš árvvoštallama vuođul buoremusat daid joavkkus, geaid ohcamuš sisttisdoallá virgealmmuhusas gáibiduvvon duođaštusaid ja čielggadusaid.

Ohcciid ánsšuid árvvoštallat bargguid ektui, ja dán dihte “buoremus” ohcci ii leat álo dat, geas lea eanemus bargohárránupmi dahje dutkkusduođaštus. Válljejuvvon olbmoss ledje buot dáiddut, mat virggi doaimmaheami várás gáibiduvvojedje. Válljejuvvon olbmoss ja vuigengáibádusa dahkkis ledje bargoohtcamušaid vuođul ánsšut iešguđet láhkai gáibiduvvon dáidduin. Lassin válljejuvvon olbmoss leat ollu dáiddut, maid mii bargoohtcamuša vuođul atnit árvvus.

4. Ohcejoga gielda lea geatnegahtton máksit váidi vuigengáibádusgoluid 560 euro (sis. álv) oktan mannonanreanttuiguin reantolága mielde mánotbaji geažes dan beaivvis, go mearrádus lea addojuvvon sutnje diehtun.

Lávdegoddi hilgu vuigengáibádusa ja gávnnahe, ahte ii leat geatnegas máksit váidi vuigengáibádusgoluid.

Áššemeannudeaddji Giddodathoavda Markku Porsanger

Mearrádusevttohus Eallinfápmo- ja teknikalaš lávdegoddi hilgu vuigengáibádusa vuođuheapmin iige rievdat ovdalis namuhuvvon ákkaiguin čoahkkima 6.8.2024 mearrádusa.

Mearrádus Tapio Oikarainen guđii čoahkkima dán paragrafa giedahallama áigái dii. 13:50 - 14:45.

Mika Aikio evttohui, ahte lávdegoddi gomiha ovddit čoahkkima mearrádusa. Anni Ahlakorpi guottihii Mika Aikio evttohusa.

Dasgo čoahkkimis lei dahkkon áššemeannudeaddji evttohusas spiehkaseaddji guottihuvvon evttohus, de áššis čadahuvvui jienasteapmi, mas JUO áššemeannudeaddji evttohus ja II Mika Aikio evttohus. Jienat addojuvvojedje oktiibuot guhtta (6), main JUO-jienat golbma (Uula Tapiola, Sammoli Lukkari, Mika Koskeniemi) ja II-jienat golbma (Mika Aikio, Anni Ahlakorpi, Kirsi-Marja Wargh). Dasgo jienat addojuvvojedje seamma olu, de ságadoalli jietna čovddii ášši ja mearrádussan bođii áššemeannudeaddji evttohus ja vuigengáibádus hilgojuvvui.

Mika Aikio, Anni Ahlakorpi ja Kirsi-Marja Wargh guđde áššis sierraoavila.

Eallinfápmo- ja teknikkalaš
lávdegoddi

§ 75

02.09.2024

Giddodatdikšu oahpposoahpamušskuvlejupmi

ealteknlg 02.09.2024 § 75
43/01.01.01.00/2024

Maiju Seppänen lea almmuhan teknikkalaš doaibmasuorgái, ahte háliida šiehtadit oahpposoahpamuš-bargogaskavuoda Ohcejoga gieldda teknikkalaš doaimmain. Son háliida bargat giddodatfuolahusas giddodatdikšun.

Lappi skuvlenguovddáš REDU lea árvvoštallan, ahte oahpuid guhkkodat lea oktiibuot sullii 1,5 jagi. Stuđentii galgá fállat dutkosa vuodustusaid mielde bargguid gaskamearálaččat unnimustá 25 h/vahkku ja stuđentii máksojuvvo bálká bargoeaktosoahpamuša mielde.

Oahpposoahpamuša dahket bargoaddi, bargi/stuđeanta ja skuvlejumi ordnejeaddji, Lappi skuvlenguovddáš REDU.

Áššemeannudeaddji

Giddodathoavda Markku Porsanger

Mearrádusevttohus

Teknikkalaš doaibma ii leat várren mearreruđa oahpposoahpamušskuvlejupmái jagi 2024. Lávdegoddi ohcá gielddaráđđehusas ja ain váldostivrras lassemearreruđa jahkái 2024 gaskaboddosaš mb-bálkkáide 5.000 euro ja vállje giddodatdikšu oahpposoahpamuš-bargogaskavuhtii Maiju Seppäsa 1.10.2024 rájes. Lávdegoddi maid fápmuda gielddainšenevra Tapio Oikaraisa šiehtadit suinna oahpposoahpamuša áigái mearreáigásaš bargogaskavuoda 1.10.2024 – 31.3.2026 áigái 65 % bargoáiggiin.

Bargosadjebagadallin nammaduvvo giddodatdikšu Tapio Guttorm.

Mearrádus

Mearrádusevttohus dohkkehuvvui.

Eallinfápmo- ja teknikkalaš
lávdegoddi

§ 76

02.09.2024

Lapland North Destination (LND) ovttasbargosoahpamuš 2024

ealteknlg 02.09.2024 § 76

44/14.02.01/2024

Ohcejoga gielda lea dahkan ovttasbarggu LND:in ja dan ovdal doaibman Inari-Saariselkä Matkailu Oy:in jagi 2016 rájes. LND resurssat guvlui leat dehálaččat erenoamážit riikkaidgaskasaš guovlomárkanastimis ja doaimmain, maiguin ovddidit olahttivuođa. LND lahttun leat sihke guovllu gielddat (Anár ja Ohcejohka) ja fitnodagat, mat leat beroštuvvan ovttasbargui guovllus. Ohcejoga gielddas eai leat dál bargit, geat barggaše gieldda riikkaidgaskasaš guovlomárkanastimiin.

Áššemeannudeaddji

Eallinfápmohoavda Tanja Lepistö

Mearrádusevttohus

Ohcejoga gielda čatnasa LND:in ovttasbargui jagi 2024.
Ovttasbargosoahpamuš (22 000 e + álv) lea várrejuvvon jagi 2024 bušeahttaárvalussii.

Mearrádus

Mearrádusevttohus dohkkehuvvui.

Fitnodatjoavkoprošeakta ovddidit Ohcejoga turismafitnodagaid

ealteknlg 02.09.2024 § 77
45/00.01.05/2024

Turismma Master Plan -prošeavttas leat plánen čuovvovaš jagiid várás doaibmabidjoplána, maiguin Ohcejoga turisma ovddiduvvo. Mánnggat ovddidandárbbut leat dábálaš ovddidanáššit, maid gielda galgá eanaš fuolahit. Dán lassin ávkkálažžan lea árvvoštallojuvvon fitnodatjoavkoprošeavttaid ollašuhttin. Fitnodatjoavkoprošeavttas fitnodagat ožžot 25 proseantta iežasruhtadanosiin prošeaktadoarjaga. Dainna ovddidit sihke fitnodaga iežas fitnodatdoaimma ja lassin ovddidandoaimmaid, maid fitnodagat ovtta árvvoštallet ávkkálažžan. EJB-guovddáš juolluda ruhtadoarjaga ovddidit fitnodatjoavkkuid. Ohcejogas leat mánnga turismafitnodaga, mat leat almmuhan beroštumiset searvat fitnodatjoavkoprošektii. Čuovvovaš ohcamušaid giedahallanáiggit leat 30.9.2024 ja 31.1.2025

Prošeavtta ollašuhttin gáibida, ahte juoga bealli guoddá ovddasvástádusa prošeaktaohcamuša čállimis ja soahpamušaid čoaggimis ja juolluduvvon ruhtadeami manjá prošeavtta hálddašeamis. Dása gullá iežasruhtadanoasi rehketčállin, ruhtadeaddjái raportereren, oastinbálvalusaid gilvalahttin ja doarjaga ohcan. Dát leat doaimmat, mat eai lunddolaččat gula prošektii oassálasti ovtta fitnodaga ovddasvástádussan.

Eallinfámu doaibmasuorggis lea ealáhuskoordináhtora doaibma 50 % bargoáiggiin. Ealáhuskoordináhtora bargui gullet guovllu ovddideami plánen ja ovddideami mánnggabealat doarjundoaimmat. Ealáhuskoordináhtora doaimmain gielda sáhttá fállat fitnodatjoavkoprošektii prošeaktakoordinerema. Fitnodatjoavkoprošeavtta ruhtadeapmi vástida dalle ealáhuskoordináhtora bálkágoluid su bargoresurssa mielde. Prošeavtta ollašuhttin ii gáibit gieldda ruhtadeami. Dasgo gielda koordinere prošeavtta, de prošeavtta ekonomijahállddahas ollašuhttojuvvo gieldda ekonomijahállddahas. Gielda fuolaha maid fitnodatjovkui searvan fitnodagaid ruhtadanoasi čoaggimis soahpamušaid mielde.

Áššemeannudeaddji

Eallinfápmohoavda Tanja Lepistö

Mearrádusevttohus

Ohcejoga gielda doarju ohcat guovllu turismma ovddideaddji fitnodatjoavkoprošeavtta. Eallinfápmodoaibma koordinere iežas bargun prošeavtta ohcama. Jos ruhtadeapmi juolluduvvo, de gielda fállá ealáhuskoordináhtora bargoresurssa koordineret prošeavtta. Bargoresurssa vástideaddji bálká gokčojuvvo dalle fitnodatjoavkoprošeavtta ruhtadeamis. Prošeavtta ekonomijahállddahas ordnejuvvo gieldda ekonomijahállddahas.

Mearrádus

Mearrádusevttohus dohkkehuvvui.

Nuppástusohcanráva guoská paragrafaid: § 66, § 67, § 68, § 69, § 70, § 71, § 77

NUPPÁSTUSOHCANGIELDU

Dán mearrádusas ii oaččo dahkat vuigengáibádusa iiige gieldaváidaga, dasgo mearrádus guoská

- gieldalága 136 § mielde dušše válmmaštallama dahje ollašuhttima
- bargo- dahje virgeeaktosoahpamuša dulkoma, heiveheami
- bargojodihan- ja bearráigeahččanvuogatvuodá geavaheami

Nuppástusohcanráva guoská paragrafaid: § 72, § 73, § 75, § 76

VUIGENGÁIBÁDUSRÁVVAGAT

Dán mearrádussii duhtameahttun olmmoš sáhtta dahkat čálalaš vuigengáibádusa. Mearrádussii ii oaččo ohcat nuppástusa duopmostullui váidimiin.

Vuigengáibádusvuoigatvuohta

Vuigengáibádusa oažžu dahkat:

- dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha (*áššáiosolaš*), ja lassin
- gieldda lahttu.

Vuigengáibádusáigi

Vuigengáibádusa galgá dahkat 14 beaivve geažes das, go lea ožžon mearrádusa diehtun.

Vuigengáibádusa galgá doaimmahit Ohcejoga gieldda registrerenkantuvrii mearreáiggi maŋimuš beaivve ovdal, go registrerenkantuvra giddejuvvo.

Gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, čieža beaivve geažes reivve sáddemis. Go geavahuvvo dábálaš elektrovnnalaš diehtunaddin, de gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, goalmát beaivve dieđu sáddemis.

Gehččojuvvo, ahte gieldda lahttu lea ožžon mearrádusas dieđu čieža beaivve geažes das, go beavdegirji lea leamašan oaidninláhkai almmolaš diehtofierpmis.

Diehtunoažžunbeaivi ii rehkenastojuvvo vuigengáibádusáigái. Jos njulgengáibádusáiggi maŋimuš beaivi lea iehčanasvuođabeaivi, válborbeaivi, juovla- dahje jonssotruohtta dahje árgalávvardat, de njulgengáibádusa oažžu doaimmahit vuosttas árgabeaivve dan maŋŋá.

Vuigengáibáduseiseváldi

Eiseváldi, geasa vuigengáibádus dahkkojuvvo, lea Ohcejoga eallinfápmo- ja teknihkalaš lávdegoddi

Registrerenkantuvrra oktavuohtadieđut:

Boastačujuhush:	PL 41, 99981 Ohcejohka
Uksačujuhush:	Luossa 1a, 99980 OHCEJOHKA
E-boasta:	kunnanvirasto@utsjoki.fi
Telefonnummir:	+358 40 188 6111

Registrerenkantuvra lea rabas vuossárggas bearjadahkii dii. 9.00 – 15.00.

Vuigengáibádusa hápmi ja sisdoallu

Vuigengáibádusa galgá dahkat čálalaččat. Maidái elektrovnnalaš áššegirji deavdá čálalaš hámi gáibádusa.

Vuigengáibádusas galgá almmuhit:

- mearrádusa, masa ohcá vuigema
- mainna láhkai mearrádusa galgá vuiget
- maiguin ákkaiguin gáibida vuigema.

Vuigengáibádusas galgá lassin almmuhit dahkki nama, ruovttugieldda, boastačujuhusa ja telefonnummira.

Jos vuigengáibádusmearrádusa sáhtá addit diehtun elektrovnnalaš diehtun, de bivdit almmuhit oktavohtadiehtun maidái e-boastačuha.

Beavdegirji

Mearrádusa guoskevaš beavdegirji váldosiid ja mildosiid sáhtá bivdit Ohcejoga gieldda registrerenkantuvrras.

Beavdegirji lea 5.9.2024 dolvojuvvon oaidninláhkai almmolaš diehtofierbmái.

Nuppástusohcanráva guoská paragrafaid: § 74**VÁIDDAČUJUHUS**

Dán mearrádussii ohccojuvvo nuppástus gieldaváidagiin.

Váidinvuoigatvuohta

Vuigengáibádusa dihte addojuvvon mearrádussii oažžu ohcat nuppástusa gieldaváidagiin dušše dat, gii lea dahkan vuigengáibádusa álgoálgosaš mearrádussii.

Jos álgoálgosaš mearrádus lea vuigengáibádusa geažil nuppástuvvan, de mearrádussii oažžu ohcat nuppástusa gieldaváidagiin maiddá:

- dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdii mearrádus njuolga váikkuha (*áššáiosolaš*), ja lassii
- gieldda lahttu.

Váidináigi

Gieldaváidaga galgá dahkat 30 beaivve geažes das, go lea ožžon mearrádusa diehtun.

Váidaga galgá doaimmahit váiddaeiseváldái maŋimustá váidináiggi maŋimuš beaivve ovdal, go váiddaeiseváldi doaimmahat giddejuvvo.

Gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, čieža beaivve geažes reivve sáddemis. Go geavahuvvo dábálaš elektrovnnalaš diehtunaddin, de gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, goalmát beaivve dieđu sáddemis.

Gehččojuvvo, ahte *gieldda lahttu* lea ožžon mearrádusas dieđu čieža beaivve geažes das, go beavdegirji lea leamašan oaidninláhka almmolaš diehtofierpmis.

Diehtunoažžunbeaivi ii rehkenastojuvvo váidináigái. Jos váidináiggi maŋimus beaivi lea bassebeaivi, iehčanasvuodabeaivi, válborebeaivi, juovla- dahje jonsotruohtta dahje árgalávvardat, de váidaga oažžu doaimmahit váiddaeiseváldái vuosttas árgabeaivve dan maŋŋá.

Váidinvuodustusat

Gieldaváidaga oažžu dahkat daiguin ákkaiguin, ahte

- mearrádus lea šaddan feaillalaš ortnegis,
- mearrádusa dahkan eiseváldi lea mannan badjel doaibmaválddis dahje
- mearrádus lea muđui lága vuostá.

Váidi galgá ovdanbuktit váidaga vuodustusaid ovdal váidináiggi nohkama.

Váiddaeiseváldi

Gioldaváidda dahkkojuvvo Davvi-Suoma hálldahusriektái

Boastačujuhush: PL 189, 90101 OULU
Uksačujuhush: Torikatu 34-40, OULU
E-boasta: pohjois-suomi.hao@oikeus.fi
Telefonnummir 029 564 2800
Fákssa 029 564 2841

Váidaga sáhhtá dahkat maid hálldahus- ja erenoamášduopmostuoluid áššedikšunbálvalusas čujuhushas
<https://asiointi2.oikeus.fi/hallintotuomioistuimet>.

Váidaga hápmi ja sisdoallu

Váidaga galgá dahkat čálalaččat. Maiddái elektrovnnalaš áššegirji deavdá čálalaš hámi gáibádusa.

Váidagis galgá almmuhit:

- 1) mearrádusa, masa ohcá nuppástusa (*váidinvuloš mearrádus*);
- 2) man dáfus mearrádussii ohcá nuppástusa ja maid nuppástusaid dasa gáibida (*gáibádusat*);
- 3) gáibádusaid vuođustusat;
- 4) masa váidinvuoigatvuohta vuođđuduvvá, jos váidinvuloš mearrádus ii guoskka váidi.

Váidagis galgá lassin almmuhit váidi nama ja oktavuohtadieđuid. Jos sátneválldi geavaha váidi lágalaš ovddasteaddji dahje fápmuduvvon olmмоš, de maiddái su oktavuohtadieđuid galgá almmuhit. Jos oktavuohtadieđut rivdet dalle, go váidda lea biddjojuvvon johtui, galgá dieđuid rievdamis almmuhit hálldahusduopmostullui farggamusat.

Váidagis galgá almmuhit maiddái dan boastačujuhusha ja vejolaš eará čujuhusha, masa riektegeavvama áššegirjiid sáhhtá sáddet (*proseassačujuhush*). Jos váidi lea almmuhan eambbo go ovttá proseassačujuhusha, de hálldahusduopmostuollu sáhhtá válljet, guđemuš almmuhuvvon čujuhussii dat doaimmaha riektegeavvama áššegirjiid.

Váidagii galgá laktit:

- 1) váidinvuloš mearrádusa ja váiddačujuhusha;
- 2) čielggadusa das, goas váidi lea ožžon mearrádusa diehtun dahje eará čielggadusa váidináiggi álginbeaivvis;
- 3) áššegirjiid, maid váidi geavaha gáibádusaidis doarjjan, jos dat eai leat juo ovdal doaimmahuvvon eiseváldái.

Riektegeavvanmáksu

Das, gii bidjá nuppástusohcanášši johtui, berrojuvvo riektegeavvanmáksu dan mielde, go duopmostuollolágas (1455/2015) ásahevvo.

Beavdegirji

Mearrádusa guoskevaš beavdegirjji váldosiid ja mildosiid sáhtta bivdit Ohcejoga gielda registrerenkantuvrras.

Boastačujuhush: PL 41, 99981 Ohcejohka
Uksačujuhush: Luossa 1a, 99980 Ohcejohka
E-boasta: kunnanvirasto@utsjoki.fi

Registrerenkantuvra lea rabas vuossárggas bearjadahkii dii. 9.00 – 15.00.

Beavdegirji lea 5.9.2024 dolvojuvvon oaidninláhkai almmolaš diehtofierbmái čujuhussii www.utsjoki.fi.